

Zazpi euskal enpresa nagusiak kanpoan inbertitzeko bildu dira

Nazioarteko fondoan bitartez garapen bidean diren herrietan inbertituko du taldeak

Arrasateko kooperatibak (MCC), CAF, Iberdrola, BBV Trade, Babcock Wilcox, IDOM eta Guascor enpresek Nazioarteko Kooperaziorako Elkartea (ACI) eratu dute. Nazioarteko fondoan bitartez garapen bidean dauden herrialdeetan inbertitzea litzateke helburua. Euskal industriak bide berriak urratuko dituela eta enpresa txikientzat onuragarria izango dela deritzote partaideek.

M. ARREGI / BILBO

Atzo eratu zen ofizialki Nazioarteko Kooperaziorako Elkartea (ACI) Bilbon. Ekitaldian zazpi enpresetako ordezkariak eta Rosa Diez Eusko Jaurlaritzako sailburuak hartu zuten parte. Guillermo Barredo talde berriko lehendakariak adierazi zuenez, xede nagusia enpresa partaideen nazioarteko jarduerareagotzea litzateke.

Besteak beste Munduko Bankuak eta bere filialek, BIDEk (Garapenerako Banku Interamerikarra), Berreraikitze eta Garapenerako Banku Europarrak zein Europako Batasuneko hainbat programak fondoak bideratzen dituzte garapen bidean dauden herrialdeetan inbertitzeko programetarako. Taldean progra-



Garrantzitsuenetakoak diren zazpi enpresetako ordezkariak eta Diezek aurkeztu zuten atzo elkartea. X. SIMAL

motan parte hartzeko aukera gehiago izango dituztela uste dute enpresok.

Garapen bidean dauden herrietan inbertitzeko erakundeek bideratzen dituzten fondoak 50.000 milioi dolarretik gorakoak (6,45 bilioi pezeta, 268.000 milioi libera inguru) dira. Barredoren aburuz, «zaila» da bakarka proiektu hauei aurre egitea. ACIren bitartez enpresek beren indarrak bildu nahi dituzte zailtasunak gainditzeko.

Urtebeteko lana behar izan da taldea eratzeke. Ideia EAEko enpresen kanpo merkataritza

bultzatzeko plan estrategikotik sortu zen. Jaurlaritzako ekimen honek alde anitzeko munduko finantzaketak eskaintzen dituen aukerak aztertu zituen.

TALDEA ZABALTZEKO AUKERA

Euskal Herriko enpresa garrantzitsuen artean daude ACI osatzen duten zazpiak, baina elkarteko kideak hamar bazkide izatea aurrikusi dute. Elkartea 35 milioi pezetako kapital sozialarekin sortu da, partaide bakoitzak milioi bateko bost partaidetza eskuratuta. Taldeak legeak jasotzen duen esen-

tzio fiskala eskatu du.

Rosa Diezek eraketa ekitaldian adierazi zuenez, Estatuan egiten den mota honetako lehen ekimena da eta «Eusko Jaurlaritzako kide moduan» poztasuna azaldu zuen. «Epe luzera begira oso proiektu garrantzitsua da EAEko enpresa zein herritarren garapenerako», ziurtatu zuen.

Nazioarteko fondoan bitartez bideratzen diren proiektuen adjudikazioa lortzea zaila dela nabarmendu zuen Diezek. «Lehiaketara atera aurretik lortu behar dira proiektuak, eta hori da lobby baten betebeharra», esan zuen.

Espainiako Fordek 66.000 Fiesta esportatuko ditu Hego Amerikara

BILBO

Espainiako Ford konpainiak Fiesta modeloko 66.000 auto esportatuko ditu Hego Amerikara, 54.000 Brasilera eta 12.000 Argentinara hain zuzen ere. Alain Batty Ford-Españakó kontseilari-delegatuak atzo Bilbon jakinarazi zuenez.

Autogintzako bezeroen eta hornitzaileen arteko harreman mota berriei buruzko jardunaldi batean hartu zuen parte Battyk Bilbon. Jardunaldi hau APD (Zuzendaritzaren Aurrerapenerako Elkartea) eta SPRI (Industriaren Sustapen eta Garapenerako Baltzua) elkarteek antolatu dute, eta bertan Ford-Españakó arduradunak bere konpainiaren egitasmo estrategikoaren berri eman zuen.

Hego Amerikara esportatzeaz gain, Espainiako Forden

konpainiak Europako Ekialdeko lurraldeekin, Israelekin eta Txinarekin ari dira harremanetan Almusafeseko (Valentzia) faktoriako autoak esportatzeko. Gaur egun, Fordek faktoria horretako produkzio ahalmen guztia erabiliko du ekainera arte.

Datorren urteko irailean Ford auto mota berri bat hasiko da fabrikatzen lantegi horretan. Proiektu horretarako 30.000 milioi pezetaren inbertsioak egingo ditu konpainiak, eta autoaren osagarrien % 90 Espainian egingo dira.

Ford-Españakó mota horretako 200.000 auto ekoiztuko ditu, eta horietatik % 90 esportatzeko izango dira. Battyk ez daki modelo berri hau egiten hasten direnean Fiesta eta Escort modeloak egiteari utziko ote dioten.

Yves Fasquellek Brigantine Aircraft osorik hartzeko proposamena egin du

HUR GOROSTIAGA / BAIONA

Yves Fasquelle ingeniari eta industriari paristarrak Brigantine Aircraft Angeluko goi mailako teknologiko lantegian 13 milioi liberako (325 milioi pezeta inguru) inbertsioa egiteko laguntzaileak topatu ondoren, lantegiak dituen bi atalak hartzeko prest dagoela adierazi zuen atzo.

Brigantine Aircraft etendura judizialean dago joan den martxoaren 14tik, eta Baionako Merkataritza Auzitegia enpresarentzako hartzaile posibleen bila dabil. 13 milioi liberetarik 8 enpresari inbertsioak dira, eta gainerako 5 milioiak bankuen mailegu.

Brigantine Aircraften lehen sailak aluminiozko xafla arin eta sendoak egiten ditu, tren eta

itsasontzien baitan biziki garrantzitsua izan ohi den materiala. Aurreko urteetan arrakasta nabaria izan du ekoizpen sail honek.

Bigarren sailak, berriz, aluminio edo metalezko xaflak mozteko laser makineria moderno eta arinak egiten ditu, baina egun arte bat bakarra produzitu du, oraino ikerketa eta garapen fasean baitaude.

Joan den otsail bukaeran enpresa krisian zegoela oharturik, Yves Fasquellek lehen saila hartzea proposatu zuen. Langileek, aldiz, ez zuten ontzat eman, eta geroztik Justiziako arduradunek etenduran ezartzea erabaki zuten. Orain, Fasquellek bi sailak hartzea proposatu du. Horrez gain, bigarren sailarekin erabat loturik dagoen eta etenduran dagoen Bordeleko

Enpresa txikien kopurua % 18 handitu zen iaz Espainian

DONOSTIA

Enpresa txikien kopurua % 18 egin zuen gora iaz Espainian, eta Europako Batasun osoan % 1 egin zuen behera 1988 eta 1993 urteen artean. Enpresa hauetatik gehienak (% 66,1 Espainian eta % 79,1 Europan) zerbitzu alorrekoak dira, Ikeri aholkularitza enpresak eginiko txosten batek dioenez.

Enpresa txiki eta ertain guztietatik % 70ek gehiegi hiru urte irautean dute. Iraupen hau negozio motak, prestakuntzak, gestoreen esperientziak eta motibazioak baldintzatzen dute. Negozio aukera eta independente izateko gogoia izaten dira enpresa hauek sortzeko arrazoiak, Ikeren arabera.

Enpresa hauetako langileek lan baldintza eskasagoak izaten dituzte handietakoei baino. Azken hauetan, langileek prestakuntza, segurtasun, soldata eta kontratazio baldintza hobeak izaten dituzte.

Esportazioei dagokierik, enpresa zenbat eta handiagoa izan esportazioak orduan eta handiagoak izaten direla jasotzen du Ikeri egindako ikerketak.

Espainian hemeretzi langiletik behera dauzkaten enpresen % 18k esportatu egiten dute; 500 langiletik gorakoan artean, berriz, % 89 izaten dira esportatzaileak.

Adron Sources zortzi pertsonako lantegi txikia ere berekin hartzeko prest dagoela adierazi du.

Hala ere, Yves Fasquellek azaldu duenez, Baionako Merkataritza Auzitegiari gehiegi heldu den apirilaren 15era arteko epea ematen dio bere erabakiaren berri eman dezan, bestela euren «dirua bertze norabide batera bideratuko» dutela errateko.

Bere lehen asmoen artean, 1995aren bukaerarako 28 langile berrartzea du xedeko eta 1998rako 50 langile izatea.

Salmentari dagokionez, lehen sailean bikoiztea espero du hurrengo hiru urteetan, eta bigarren saileko makinerien produkzioa hilabeteen bateko mediara iristea espero du 1997ko.